

錦繡萬花谷

三十四

舊刊錦繡萬花谷

四函冊

地

九州八柱

天有九柱八紀地有九州八柱天地精通神明列序也淮南

五岳七表

天有五行地有五岳天有七星地有七表河圖

萬物祖

地者萬物之祖元氣所生也白虎通

媪神

漢書曰惟泰元尊媪神蕃釐經紀天地作成四時注媪地神也

三千三百度

地紀推機三百三十轉為一度地轉三千三百度為陽蝕西陽雜俎

山嶽

三十六洞天

一霍僮山名霍林之天在福州長溪縣 二東嶽泰山名蓬

玄太空之天在兗州奉符縣 三南嶽衡山名朱陵太虛之

天在湖南衡州衡山縣 四西嶽華山名太極摠仙之天在

華州華陰縣 五北嶽常山名太乙摠玄之天在定州常山

縣 六中嶽嵩山名上帝司真之天在洛京王屋縣 七娥

眉山名虛靈太妙之天在嘉州峨眉縣 八廬山名仙靈詠

真之天在江州潯陽縣 九四明山名赤水之天在明州山

有四面產異木 十陽明山又云會稽山名極玄之天 十

一太白山名真德之天 祠廟見在長安 十二西山名天

寶極真之天在洪州南昌縣 十三大瀉山在舒州懷寧縣

一云小瀉山名好生玄上之天在潭州澧陵縣 十四潛山

洞高一千一十丈 十五鬼谷山名太玄司真之天在信州



貴溪縣 十六武夷山名昇真元化之天在建寧府崇安縣
十七玉笥山名太玄秀法樂之天在臨江軍新淦縣 十
八華蓋山名容城太王之天在温州永嘉縣 十九蓋竹山
名長耀寶元之天在台州黃巖縣 二十都嶠山名玄實之
天在容州普寧縣 二十一白石山名瓊秀長真之天在容
州 二十二勾漏山玉闈寶圭之天在容州北流縣 二十
三九嶷山朝真太虛之天在道州延康縣 二十四洞陽山
名洞陽隱觀之天在潭州長沙縣 二十五幕阜山名洞真
太玄之天在鄂州平江縣 二十六大酉山名大酉華妙之
天在辰州七十里 二十七金庭山名金庭崇妙之天在越
州平郊縣 二十八麻姑山名丹霞之天在建昌軍南城縣
二十九九仙都山名玄都祈仙之天在處州縉雲縣 三
十青田山名青田大鶴之天在處州青田縣 三十一鍾山
未日太生之天在昇州上元縣 三十二良常山名良常方
會之天在潤州句容縣茅山北 三十四天目山名太極玄
蓋之天在臨安府餘杭縣 三十五桃源山名馬朗光之天
在鼎州武陵縣 三十六金華山名金華洞元之天在婺州
金華縣

蓮花峯

王玄仲欲登蓮花峯約寺僧到峯頭當起煙爲信翌日持火
而登僧候之數日果有煙起留二旬乃下僧問之二云峯頭有
池菡萏盛開可愛其中又有破鐵舟存焉三水小牘

九向九背

衡山近望如陣雲沿湘千里望之九向九背湘中記

地肺

終南山一名地肺可避洪水俗人云上有神人乘舡行追之

不可及 三秦記

金銀宮闕

燕昭王使人求蓬萊方丈瀛洲此三山黃金白銀為宮闕 史記

絃管仙宮

雲縣有君山大風雨後聞絃管聲其山謂之仙宮 南康記

青丘

山海經云青丘之山其陽多玉其陰多青艸

圓嶠

渤海之東有壑其中山曰圓嶠 列子

五百歲一開

五百歲天下名山一開開時金玉之精湧出 內傳

詩

靈山蘊麗名秀出為蓬瀛香爐帶煙上紫蓋入霞生霧捲蓮
 峯出巖開石鏡明定知丘壑裏併佇白雲情 熬岫含煙聳
 蓮崖照日開松門夾細葉石磴染新苔 僧惠標 雪山峙千仞
 蔽日且巖我紫蓋雲陰遠香爐煙氣多 劉斌 層雲霾峻嶺絕
 澗倒危峯刻削臨千仞巖我起百重 庾肩吾 獨邁青蓮嶺超
 奇紫蓋峯挂流送侶鶴挿石近如龍沙崩聞韻鼓霜落侶鳴
 鐘石蒲今尚有採摘更相逢 蕭揚 大帝仙鄉列聖曹蓬山分
 命鎮波濤瑤臺影蘸天心冷具闕光浮海面高五色靈霜浮
 玉籟九清明月射金鰲東方曼倩曾來此偷折林中數顆桃
 石

土精氣核

土精為石石氣之核也 物理論

落星灣

昔有星墜水化為石當彭蠡灣中俗呼為落星灣 圖經

地骨

地以石為之骨 博物志

仙人鏡

月林國西南有怪石方數百里光明澄澈可鑒人五臟六腑
謂之仙人鏡其國人有疾皆輒照之其形遂知 六帖

鵲化金印

常山張顥為梁相天新雨後有鳥如山鵲飛翔入市人擲之
墮地化為一圓石顥推破得一金印文曰忠孝侯印 搜神記

望夫石

武昌北山上有望夫石狀若人傳云昔有貞婦其夫從役遠
赴國難携子餞送此山立望夫而化為石因以名焉 神異記

帝棋

桃林在弘農湖城縣休馬之山有石焉名曰帝臺之棋五色
而文狀如雞卵 博物志

詩

依峯形似鏡構嶺勢如蓮有邁東明上來遊皆習僊 蕭推天

潢支機罷仙嶺博棊餘零陵舊是燕昆池本學魚雲移蓮勢

出苔駮錦文踈還當穀城下別月解兵書 陰鏗

海

天地脉

天有五億五萬五千五百五十里地亦如之各以四海為脉 關令

扶桑

扶桑在碧海中樹長數十丈一千餘圍兩幹同根更相依倚

是以名扶桑 十洲記

瓊田不死草

祖洲在東海中地方五百里上有不死草生瓊田中草似菰

苗長三尺許人已死者以草覆之皆活一洲記

宛禽街石

赤帝之女溺於東海化為宛禽名曰精衛銜西山木石以填

東海山海經

天池

南溟者天池也莊子

百谷王

江海所以能為百谷王者其善下也老子

甘棠港

王審知招蠻吏商賈海上波濤為阻一夕風雨雷電震擊開以為港閩人以為審知德政所致號甘棠港六帖

東市塔影倒

訟議朱景玄見鮑容說陳司徒在揚州時東市塔影忽倒老

人言海影翻則如此酉陽雜俎

詩

遠水翻如岸遙山到似雲方知小姑射誰復語臨汾煬帝披

襟眺滄海憑軾翫春芳積流橫地紀疏派引天潢仙氣凝三

嶺和風扇八荒拂潮雲布色穿浪日舒光照岸花分彩迷雲

鴈斷行洪濤經變野翠島屢成桑之采思漢帝碣石想秦皇

霓裳非本意端拱是圖王太宗登高臨巨壑不知十萬里雲

島相接連風濤無極已時看遠鴻度阻見鷺鷥起不假送將

歸自然傷客子祖孝微古來海寒多天風白波連山倒蓬壺

長鯨噴湧不可涉撫心茫茫淚如珠李白

江

鵲尾渚

左傳昭公十六年冬楚子伐吳人敗之於鵲岸西京記曰今

居巢江南水有鵠尾渚者是也

黃金浦

江水東至長沙下隲縣又東之有岸有城陵山山有故城東接徵落山江之南畔名黃金瀨瀨東有黃金浦水經

江水出火

吳揚渭濬東塘之揚林江水出火可以燃物九國志

二女解佩

昔鄭交甫遇女解佩之嬰今府西大堤襄人呼為解佩江事

三媪

泉經媪水入東海羣降二女於馮泊豈其是乎江裏有上中下三媪言亦女降時為地高險迴曲使者至險輒媪然住嘆故曰三媪會誓圖經

萍實

楚昭王渡江江有物大如斗圓而赤直觸王舟舟人取之王大怪使之魯問孔子孔子曰此萍實也可割而食之吉祥唯霸者欲獲之使反王遽食之甚美家語

詩

浩蕩浸雲根煙嵐沒遠村鳥歸沙有跡帆過浪無痕賈島古

渡懸魚網空林露鳥巢空晴山見春沙淺浪痕交李嘉祐楓

林連楚塞水驛到盆城岸草知春晚沙禽好夜驚風帆幾度泊處處暮朝聲皇甫冉雲日楚天暮沙汀白露深郎士元月

落烏啼霜滿天江楓漁火對愁眠姑蘇城外寒山寺夜半鐘聲到客船張繼

忽蕩漾韓愈二年為吏向江濱重到江頭照病身滿眼碧波輸匹鳥一棊疎雨屬漁人隨艇曉日孤輪白入座青山數點

春張翰精靈應笑我綠裾依舊染紅塵王禹偁一路翠煙垂

柳驛滿川紅雨落花村雲隨釣艇歸漁浦潮送沙鷗入店門
屆前曉曉泛其門月秋涵楚岸霜固知謝公興流詠病滿湘
詩
渾霞津錦浪動月浦練花開端似黃牛去潮疑白馬來
李嶠
溶溶漾漾白鷗飛綠淨波深好染衣北去南來入自老夕陽
長送釣艇歸
杜牧

河門

黃龍負圖

河圖曰舜與三公臨河觀黃龍五采負圖出置舜前以黃玉
爲牌白玉爲檢黃金爲繩紫芝爲涅章曰天黃符坐

三日變五色

易乾鑿度曰帝王將起河水先清清變白白變赤赤變黑黑
亦黃各三日也

清如井水

乾元二年七月嵐州合河關河三十里清如井水四日而變

祖龍受天寶

河圖考靈曜曰趙王政以白璧沉河有黑公從河出謂政曰
祖龍來受天寶開元中有尺二玉牘

九折

淮南子曰河水九折

四瀆之宗

穆天子傳河者四瀆之所宗

詩

連旌映浦淑疊鼓沸沙洲桃花長折浪竹葉下奔流塞雲臨
遠艦胡風入陣樓劔拔蛟將出駭鷲龍欲浮鴈書終亦效燕
相果封侯勿恨關河遠且寬邊地愁
蘇道鴻流道積石驚浪下
龍門仙槎不辨處沉璧想猶存
劉五金髮分錦纜白鳥渡連舟

風嚴歌響絕浪湧榜人愁攢折桃花水飄橫竹箭前流何言沈
壁處千載傷侯張正見解通銀漢終須曲繞出崑崙便不清
湖

銅船出水上

劉欣歎交州記曰有一湖去合流北四丁里至陰日百姓獲
捕見銅船出水上又有水牛在湖之中

賜剡川一曲

賀知章請為道士還鄉里詔許之又求周宮湖數頃為放生
池有詔賜鏡湖剡川一曲

金銀塘

伏愔登故臺詩序曰夫差姑蘇臺東有丹湖萬頃內有銀塘
陸賈新語曰舜藏黃金於嶧岩之下捐珠玉於五湖之泉以
塞邪淫之路

詩

洞庭春溜薄平湖錦帆張源之桃花水湘流杜若香元去茅
山近江連巫峽長杰天陰遠碧映日動浮光行舟逗遠樹度
鳥息危檣滔滔不可測一葦詎能航陳陰鏗八月湖水平涵
虛混太清氣蒸雲夢澤波動岳陽城欲濟無舟楫端居耻聖
明可憐垂釣者空有羨魚情

泉門

交旋如盤龍

元街縣有泉泉眼中水交旋如盤龍或試撓破之尋手成龍
狀驢馬飲之皆驚走

房陵粉水

房陵有清泉土人以為粉則膏澤方潤真京師因名房陵粉
水地理志

靈池山八泉

靈池山在翁源縣之有八泉曰湧泉曰甘泉曰溫泉曰震泉曰龍泉曰玉泉曰靈泉水衡記

溫泉

凡水源有石硫黃其泉則溫或云神人所煖主療人疾博物志

神女唾

始皇與神女遊而忤其旨神女唾之則生瘡始皇怖謝神女為出溫泉而洗除後人因以為驗初學記

白雲泉

白雲泉在天平山白樂天題以絕句范文正繼作名遂著在

吳縣圖經

天齊淵

齊地泉中或出尾上有天齊字晏子曰吾聞江深五里海深

十里此泉與天齊也齊紀

七眼泉

在施州南寨石曰溪旁其泉源有七眼圖經

撫掌泉

在餘杭洞霄宮相傳錢氏武肅王至宮撫掌而泉涌因以為

名圖經

紅泉

謝靈運題華子岡銅陵映碧澗石磴瀉紅泉謝靈運山居賦飄丹砂於紅泉

詩

君言西山頂自古流白泉上以千牛乳下有萬石鈿不愧惠山味但無六子賢願君揚其名庶託文字傳寒泉比吉士清濁在其源不食我心慚於泉非所患嗟我本何有虛名空自

纏不見昔柳子餘思汗溪山東坡泉源從高來走下隨石脉
紛紛白沫乱隱隱急崖折紫回成曲沿清徹見肝膈滾瀉爲
長溪奔駛蕩蛙蝮虎移泉眼趣行脚龍作浪花供撫掌今
前古郡帶荒山寒泉出西郭嘈嘈幽響還袞袞清光活蘇明
月百尺青梧桐下有寒泉井分明古境中照見梧桐影朝汲
水花清暮汲水花冷願持沆瀣盃遠寄蓬山頂鄭毅夫

錦繡萬花谷後集卷之五

錦繡萬花谷後集卷之六

臨安

西部

漢書曰錢塘西部都尉居之

東安

吳志曰黃武五年丹陽會稽吳都小寇攻沒諸縣乃分三部之要害地置東安郡居富春

樹呼龜

孫權時獲一大龜持獻吳主夜宿越里繫船於大桑樹樹呼龜曰元緒奚事爾耶龜曰行不擇日今方見烹雖然盡南山之柴不能漬我異死

人化鶴

孫鍾以種瓜爲業有二少年詣鍾乞瓜曰此山下善可作塚當爲父墓鍾隨下山三十步三人悉化成白鶴飛入空中即孫堅所葬地也

苞瀆

吳都記曰松江東瀆海口名曰苞瀆輿地志曰苞業者濱海漁捕之名挿竹列於海中以繩編之向岸張兩翼潮上即沒潮落即出魚隨潮礙竹不得出名之曰苞

鹽田

輿地志曰海濱廣斥蓋田相望吳煮海爲鹽即鹽官縣境也

包山

玄中記曰吳西具區澤中有包山有洞庭室

于隧

戰國策曰越山散卒三千擒夫差於于隧吳縣西北有地名于隧是也

鎮江

東府

山謙之丹陽記曰東府城地則晉簡文為會稽王時第東則丞相會稽王道子府道子領揚州故俗稱東府

西州

丹陽記曰揚州解王敦所創開東南西二門俗謂之西州

孫陵

丹陽記曰蔣陵因山以為名吳大帝陵也輿地志曰臺岳田孫陵曲衍之傍故蔣陵亭亦名孫陵亭

蔣廟

丹陽記曰蔣子父為秣陵尉自言已死當為神為賊所殺故吏忽見子父乘白馬如平生孫權發使封子父為都中侯立廟鍾山因改為蔣山

湖州

橫山

左傳曰楚子重成吳克鳩前至于衡山注曰在烏程南橫古衡字通

長瀆

吳興記曰河口山東濱大溪西帶長瀆

若下

吳錄云長城若下酒有名溪南曰上若北曰下若並有村村人取若下水以釀酒醇美勝雲陽

嵎中

吳興記曰風渚南二十里曰嵎中即嵎山也

常州

蒼巖溪

孔氏志怪云義興有白額獸溪渚長橋有蒼蛟并周處爲三害
白獺穴

長橋下有白獺若將有兵獺出穴口四望而嗥舊言有神風土記

橫峴
岬山多縱石而有橫峴以承衆流風土記

長塘
洮湖即長塘湖輿地志

石帆
射的北有石帆壁立臨水漫石宜山遙茫茫有似張帆會稽志

玉笥
石帆又名玉笥山又曰石簣山同前

鏡水
山陰南湖縈布郊郭白水翠巖互相映發若鏡若圖故王逸

少云山陰上路行如在鏡中遊輿地志

銅溪
昔歐冶子涸若耶之溪而出銅破赤堇之山而出錫會稽志

台州
丹洞
登真隱訣云赤城山下有丹洞在三十六洞天數其山足丹

赤城
名山略記云赤城山一名燒山東鄉司命君所居洞周回三

百里有玉清平天
金庭

道書曰天台山其上八重視之如一中有金庭不死之鄉
玉室

許邁與王浼少書曰自山至臨海多有金堂玉室仙人芝草
婺州

銅釜

吳時軍士五百人破湖得銅釜發之水便暴出即五百人湖
也異苑

石甌

崑崙山頂有一孤石可高三十丈其形似甌人謂之石甌東陽記

宣州寧國府

慈姥

江寧南有慈母山積石臨江生簫管竹俗呼為鼓吹山江寧
縣之慈姥山在當塗縣北丹陽記

舒姑

登蓋山百步有泉昔有舒氏女與父析薪於此山忽坐處處
遂挽不動父遽告家比來唯有清泉湛然因名舒姑泉宣城記

徽州

玉山

郭璞注山海經曰玉山浙江水出其邊

一石蓋

歙縣靈山甚高峻有圓石高數丈上有石蓋輿地志

二磔

黟縣南有五硯二磔兩邊皆壇石中央有溝裁五尺許水甚

懸迅磔音硯 下根。輿地志

三姑

黟縣東有靈山山有三峯名為三姑山三年一遇野火自燒
百姓放火輒降雨不燃

饒州

蓮鑊

弋陽嶺上多蜜巖宋元嘉中有人見其巖內三鐵鑊二各容百斛中生蓮花他人往尋不知所在鄱陽記

梅池

宋初山川記曰廣陵縣東有梅池

夫岡

鄱陽西有望夫岡昔縣人陳明與梅氏為姻未成而妖魅詐迎婦去明詣卜者訣云西北行五十里求之明如言見一大穴深邃無底以繩懸入遂得其婦乃令婦先出而明所將隣人秦文遂不取明其妻乃自誓執志登此岡首而望其夫因以名焉鄱陽記

子石

九子石在弋陽水左壘岸間相去數十步石形似印

楚州

射陂

廣陵王相勝之奏奪王射陂草田賦與貧人漢書

鹽瀆

鹽瀆屬臨淮郡同前

壽州

羊頭澗

水經注曰肥水左合羊頭溪水受芍陂謂之羊頭澗

龍泉陂

伏滔正淮論曰彼壽陽者視龍泉之良疇萬頃

鑊里

吳使孫綝大發卒屯鑊里吳志

鼓川

泚水東北右會踏設川水水經注

洞臺

霍山下有洞臺方二百里有一門其中有五香之飛華之實

黃庭經注

隱室

八公山有隱室石井水經注

廬州

廬口

廬江郡故廬子國應劭漢書注

舒城

廬江大縣東有舒城

桐鄉

朱邑為桐鄉嗇夫廉平有恩惠病且死屬其子曰桐鄉人愛

我必葬我於桐鄉漢書

巢邑

楚為疆城巢輿地志曰楚名為巢邑左傳

嚴州

賀齊城

吳大帝使賀齊擊黥歙山賊定立新都郡輿地志曰邵城賀

齊所創也吳志

嚴陵

嚴光字子陵耕於富春山後人名其釣處為嚴陵東觀漢記

處州

東甌

惠帝立閩君搖為東海王都甌漢書

西隗

西隗山東接安固西接松陽 永嘉記

江州

彭澤

彭澤縣屬豫章郡彭蠡澤在西 漢書

淺源

過九江至于敷淺源 尚書

廬山

匡俗出於周威王時生而神靈隱淪潛景廬于此山俗稱廬

君故山取號焉 廬山記

盆水

盆水出青盆山因以為名滯山雙流而右灌潯陽東北流入

江 潯陽記

隆興府

銅精

西山周回三百里此山時有夜光遠望如火氣輿地志曰此

為銅之精光也 豫章記

劍窟

豐城縣獄後有雷孔章掘神劍窟方七八丈 豫章記

然石

建城縣西有羊山有然石色黃白而理疎以水灌之便熱可

煮物故謂然石 宋永初山川記

熱泉

皮縣有熱泉如湯以生物投之須臾爛熟 山川記

吉州

茨野

昔豫章太守賈萌與安城侯張普爭墳戰於新茨之野即茲

地也 安城記

落亭

郡渚江川發源同會落亭石上有芝草下有紫磨金 同前

山都

廬陵太山之間有山都似人裸身見人便走自有男女可長四五尺能噉相喚常在幽昧之中似魑魅鬼物 異物志

木客

廬陵有木客鳥大如鵲千百為羣不與眾鳥相廁云是木客化作 同前

贛州

金鷄

雲都縣有金鷄石傍有穴宋永初中見金鷄棲翔此穴頗時飛鳴 南康記

石鴈

覆笥山平湖中有石鴈浮在水每至炎氣代序則飛翔若知感候 同前

松闕

歸美山有石城高數丈有二石夾左右石形似松實如雙闕 輿地志

梓潭

梓潭昔有梓樹巨圍葉廣丈餘垂柯數畝吳王伐樹作舡使童男女挽之舡自飛下水男女皆溺死至今潭中時有歌唱之音 南康記

撫州

甘渚

東興人家曾以木甌沉井中乃流出連榘溪甘渚得之此泉穴相通也 臨川記

窠巖

五章山絕巖險峭有蜜蜂依之為房其形如笠登者皆懸磴數丈然後得至其所

石人

虛谷東英巨山巖內有石人坐磐石上體上塵穢則興風濕潤則致雨晴日便舉體鮮潔朗然玉淨臨川記

楓鬼

磨姑山上人登之有物人形眼鼻口面無臂脚俗名之楓子

鬼也

同前 又名窠巖

袁州

米砂

鍾山臨水阻峽春夏則湍湫沸涌澗上有沙如米兩岸各十餘斛呼曰米砂以之候歲若一岸偏饒則其方豐穰安城記

雪壁

愬斌石室記曰第三室高十丈餘者粗相似皆素壁若雪則萬象森羅

宜春水

宜春泉水地道記曰春縣出美酒隨歲貢上吳錄

羅宵山

羅宵山有石井天旱祠之以木投井即雨至井溢木出乃雨止安城記

鄂州

鸚洲

夏口江中有鸚鵡洲輿地志

鳳闕

城東南角有崗名鳳闕吳時有鳳集之因以為名武昌記

鄂渚

離騷云乘鄂渚而反顧

樊山

樊口云東有樊山 武昌記

岳州

湘山

秦始皇浮江至湘山 史記

沅水

沅水注洞庭湖中方會於江也 水經注

地道

君山有地道郭璞江賦曰爰有包上洞庭巴山地道 湘中記

江門

洞庭山帝女居之常漉沉澧之交滿湘之泉是在九江之門 山海經

潭州

橫渚

橫渚對岸古城孫權遣程並日所立 湘中記

橘洲

橘洲在郡南對南津常看如下及至夏水懷山渚洲皆沒橘

洲獨在 輿地志

衡州

青壇

祝融峯上有青玉壇方五丈有蓋香行道處 湘州記

紫蓋

衡山有峯名曰華蓋又一名紫蓋 異苑

永州

菁口

都溪又西北流入營水謂之菁口 湘州記

蘭巖

蘭巖山其路危阻近絕人迹登其山有石路松林焉杳然便是雲霞中館宇矣 王韶之神墳記

澧州

天帚

天門角上各生倒垂下一竹拂謂之天帚 荊州圖副記

松梁

松梁之石間開處容數十丈其高以弩射之不及其上 吳錄

郴州

熱石

輿地志曰臨武縣山有熱石置物其上立焦

溫泉

荊州記曰郴縣溫泉下流有田資以溉灌常十二月下種至明年三月新穀便登

常德府

龍池

謝承為武陵守時有黃龍見郡東水中拜表上賀因號龍池

江陵府

鶴澤

劉義慶世說曰晉羊祜鎮荊州於江陵澤中得鶴教其无舛動以樂賓友

辰州

葱嶺

沅川有孤山巖石崔嵬大有葱如人所種常時往取援輒斷絕請神而求不挽自出武陵記謂之葱嶺 沅川記

茗山

茗山九牲峻峻木多松獸多熊豹荆州圖副

邵州

石牀

文斤山有石牀方高一丈四面綠竹扶踈常隨風委拂荆州記

雲水

邵陵水東會雲泉水水經注

巫州

浪水

浪水出武陵鐔城北界山谷荆州記謂之浪溪同前

舞溪

舞溪東溪注沅西接牂牁

涪州

銅柱

江中有銅柱灘周地圖記

神窟

黃葛峽有相思崖方泉周灌俗謂之神窟益州記

牂州

桂浦

漢武帝平南夷置牂牁郡郡有桂浦關

石關

華陽國志且蘭縣西南有石潼關

揚州

釣臺

雷陂有臺高二丈南充州記曰以為吳王濞之釣臺也西征記

輿浦

輿浦朝夕恒淤濁一朝清澈太守范邈表以為瑞南充州記

和州

豐浦
江水北合烏江縣之豐浦上通湖池水經注

苞湖

次得陰塘水同受皇后湖湖水連接包湖西翼潭湖同前

濠州

鵲甫亭

鵲甫溪水西北流經鵲甫亭南水經注

馬丘聚

常塗有馬丘聚徐鳳反於此續漢書

舒州

趙屯城

破虜磯東有趙屯城內有倉水經注

周瑜廟

江水對雷州之北側有周瑜廟水經注

蘄州

翻車

九江英布於翻車水北以築翻車城史記

積布

江水又東經積布山南俗謂之積布磯水經注

光州

弦子都

楚人伐弦弦奔黃十三州志曰穀城故弦子都也左傳

虞丘郭

弋陽郡東有虞丘郭南有伍子相廟水經注

申州

九塞

淮南子曰何謂九塞大汾冥阨荆苑方城蒙阪井隱今疵句注居庸也

三關

後魏置平靖關於義陽故云義陽有三關之塞此其一焉齊志

安州

楚邑

自漢口入二百里得涓口有村入三百里得鄭城楚邑也漢水記

新城

安陸縣東有新城桓温征石季龍所築南臨涓水輿地志

沔州

龜頭山

舉水出龜頭山水經注

龍驤水

江之左岸會龍驤水口同前

廣州

蒲澗

熙安縣東北有菖蒲澗咸安中姚成甫澗側遇一丈夫曰此菖蒲安期先生所餌可以不老南越志

蘭湖

番禺北有芝蘭湖並注西海同前

連州

潮穴

斯溪西通淮水其穴若井或枯涸彌年或一日十盈十竭若潮水焉潮州記

泉山

泉山有峭壁高竦連阜緬石泉懸注瀑布飛流

韶州

石臺

勞口東岸有石四方而高百餘步其狀若臺始興記

銀甕

林水源出盤石上羅列十甕皆蓋以青盆中悉銀甕有人遇之者得開觀而不可取取輒失路迷悶欲死

循州

龍川

龍川縣之屬南海郡漢書

牛嶺

羅浮山有石樓右帶牛嶺山左據龍尾南越志

潮州

文具

潮陽南有小水注海濱帶曾山其中多文具可以解毒南越志

錦蛇

龍溪謂之盤龍蛇青黑色赤帶錦文隨瀆漢水而入于海有毒傷人輒死

泉州

靈江

從餘姚至海二千里過温麻江有一江名靈江輿地志

神草

霍山有神草三十四種道書

建州

建安

永安二年以會稽南郡為建安郡吳志

肇慶府

石室

高安石室自生風凋南北二門狀若人功意者以為仙都南越志

嵩臺

高安有竦石廣六十餘丈高二百許仞士人謂之嵩臺

德慶府

端石

端溪有端山山有五色石石上多香水吳錄

岑珠

端溪俚人岑班入山遇一寶珠徑五寸取還夜光明照燭俚人甚懼以火燒之雖子損猶照一室南越志

岡州

香林

盆元縣利山上多香林南越志

綸木

威寧縣有穿州其上多綸木似殼皮可以為綿南越志

梧州

蒼梧

蒼梧郡武帝元鼎六年開漢書

班石

廣信縣之壽鄉有孤崑崑有班石石皆五色輿地志

賀州

賀水

臨水經臨賀縣東又南至郡左合賀水湘州記

富川

富川縣屬蒼梧郡 漢書

交州

二鼓

後漢周敞為交趾刺史伐龍山木以為鼓以下分鼓給桂林郡上分鼓給交趾郡擊一鼓則二鼓皆鳴 輿地志

三田

南方地氣暑熱一歲田三熟冬種春熟春種夏熟夏種秋熟秋種冬熟 廣志

橫州

蘇嶠

寧浦郡東南有蘇摩嶠 岳瑒南越志

麻嶺

沙麻嶺在寧浦郡南郡即嶺之北垠 道理記

峯州

樹止

狼野人居無室依樹宿止 林邑記

竹梁

冀冷縣有大竹數圍可用為屋梁柱覆用之則當瓦 南志

愛州

蟻漆

居風縣有蟻漆藤人視土中知有蟻墾發以木皮插其上則蟻出緣而生漆 吳錄

雞潮

移風縣有潮雞鳴長旦清如吹角每潮至則鳴一名林鷄

驩州

咸驩

咸驩縣屬九真郡 漢書

都沃

都沃縣屬九德郡 晉太康地志

崖州

海中

武帝立珠崖郡在南方大海中居廣柔千里 漢書

巢居

珠崖人皆巢居 廣志

儋州

儋耳

武帝元鼎六年定越以為儋耳郡 漢書

鏤頰

儋耳鏤其頰及一連耳匡分為數支狀似鷄腸纍纍下垂張

晏注漢書

高州

朱鼈

海中多朱鼈狀如肺有四眼六脚而吐珠 南越志

驛馬

平定縣東巨海有驛馬似馬牛尾一角 同前

襄陽府

南峴

襄陽本楚之下邑桓溪帶其西峴山巨其南 荊州記

習池

峴山南八百步西下道百步有習家魚池 襄陽記

荊州

雲澤

春秋文耀鉞曰大別以東至雲澤九江衡山荊州今按即雲
夢澤也

景洲

魏將夏侯尚圍南郡作浮橋度景洲洲今在江陵縣界吳志

隨州

厲鄉

楚伐徐齊師代厲以救之杜預注曰隨縣北有厲鄉左傳

春邑

元帝以春陵卑濕割蔡蔡之白水二鄉為春陵侯邑

復州

馬水

龍居縣南有馬水南雍州記

黿湖

沔陽縣東三十里有黿湖荊州記

峽州

獸牙

獸牙山有石壁其文黃赤色有牙齒形宜都山川記

狼尾

勾將山記曰縣去山四十里別從狼尾灘下南崖

夔州

白鹽峯

峽之首北岸曰白鹽峯中黃龍灘水公沂所忌荊州記

白帝山

白帝山北接緣馬嶺接赤甲山水經注

渝州

明月峽

巴郡江州有明月峽又首南峯石壁有圓孔形如溝月因以爲名

縉雲山

黃帝於上台神丹故山得名焉縉雲山傳

梁州

牛道

秦王未知蜀道乃刻石牛五頭置金於尾下言此天牛能糞金蜀人信人乃令五丁共引牛成道今在襄城縣界

興州

落聚郡武都鳴水二縣屬東益州後魏書

泉街

泉街水出河池東南入沮縣水經注

合州

銅梁

外負銅梁宕渠內函要害膏腴左思蜀都賦

石戶

龍盤山南有石長二十丈高五丈當中有戶及扉若人掩閉古老以爲玉女房益州記

利州

金溪

益昌縣東山西北有金銅溪溪出金因以爲名梁州記

銅水

葭盟縣南十里有刀環山赤銅水出焉益州記

益州

成都府

蠶叢

揚雄蜀本紀曰蜀始王曰蠶叢次曰伯雍次曰魚鳧

杜宇

十三州志曰蜀王杜宇自號望帝

綿州

銀水

華陽國志曰涪陵有孺山水其源有金礦

金山

金山東臨澗水光照映川益州記

劍州

飛梁

諸葛亮相蜀鑿石架空為飛梁閣道即古劍閣道也華陽國志

絕澗

姜維抗鍾會故壘其山峭壁千丈下臨絕澗益州記

閬州

南池

南池在閬中縣東南八里益州記

西水

西水縣本秦閬中縣之地同前

梓州潼川府

郵道

姜維等聞諸葛瞻破乃引軍由廣漢郵道以審虛實蜀志

射洪

涪江水又東南至射洪今在射洪縣界水經注

眉州

龍鶴山

丹陽縣西北十五里有龍鶴山華陽國志

魚虵水

魚虵水東北自陵州界入青神縣界益州記

簡州

金堂水

新都縣有金堂山水通於巴漢華陽國志

銅官山

五城縣西南六十里有銅官山高出眾峯益州記

果州

昆井

南充縣西南六十里有昆井鹽井益州記

郵溪

雞郵神在相如縣東次北下步有雞郵溪因此而為之名益州記

雅州

邛水

峽山邛水出焉其陽多黃金山海經

鄧山

文帝賜鄧通邛道銅山漢書

瀘州

錦山

合江北有綾錦山華陽國志

綿水

綿水至江陽縣方山下入江謂之綿江水經注

曲池係雋州

蘇初縣西北有泥池案今曲池是也應劭注漢書

成州

伏犀灘

伏犀灘東南六十里有黃魚像岸今在夔道縣界益州記

騰龍水

龍騰溪水源出南溪縣同前

秦州

黑水

黑水出黑城北西南經黑城西莫吾川水經注

朱圉

尚書曰西傾朱圉鳥鼠至于太華水經注

渭州

雞聚

襄武縣有五雞聚漢書

馬溪

渭水東南流經首陽縣南左則天馬溪水參差水經注

錦繡萬花台後集卷之六



